



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

3. Quæ Religionis &c. Confirmat regimen Ecclesiæ Bornhemiensis  
commissum Affligemiensibus precibus Clementiæ sotoris suæ Flandriæ  
Comitissæ.

---

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)



II.  
Ex Anecd.  
Martene T.  
I. Col. 359.  
Anno circi-  
ter 1120.

Berardo Episcopo Matisconensi Episcopale mu-  
nus interdicit, donec satisfiat de illatis  
Monasterio Cluniacensi injuriis.

CALIXTUS EPISCOPUS.

*Servus Servorum Dei, venerabili Fratri B.  
Matisconensi Episcopo salutem & Aposto-  
licam benedictionem.*

QUA B. Petri Clunianensi monasterio à te  
illata sunt, & nos & fratres nostros  
vehementer gravant. Post nostras enim com-  
municationes post scripta frequenter missa manum  
tuam quod hætenus inauditum est, super ip-  
sam parochiam extendisti, clericos & laicos  
excommunicasti, & in B. Odonis Ecclesia di-  
vina penitus celebrare officia prohibuisti; Mo-  
nachis etiam graves prout asserunt injurias intu-  
listi, & nonnulla eis pertinentia abstulisti. In  
his tamen omnibus paterna tibi benignitate pe-  
percimus correctionem tuam, sicut venerabilis  
frater noster Hu: Lugdunensis Archiepiscopus  
ad nos veniens promiserat, expectantes. Tu  
autem, ut prius, sic & postea pertinaciter resis-  
tisti. Hanc ergo præsumptionem & tantum  
Apostolicæ sedis contentum ferre diutius non  
valentes, licet inviti propter præteritæ dilec-  
tionis & familiaritatis gratiam, ex rationabili  
fratrum nostrorum sententia, Episcopale tibi of-  
ficium auctoritate sedis Apostolicæ interdiximus,  
donec à Cluniacensi Monasterio, & Clerico-  
rum, seu Laicorum, & ipsius Capellæ infesta-  
tione desistas, & nobis de contentu tuo satis-  
facias.

Datum Laterani V. Idus Januarii.

III.  
Ex op. di-  
plom. Mirai  
T. I. p. 171.  
Editum A.  
D. 1121.

Confirmat regimen Ecclesiæ Bornhemienfis com-  
missum Affligemienfis precibus Clementiæ  
sororis suæ Flandriæ Comitissæ.

CALIXTUS EPISCOPUS.

*Servus Servorum Dei; dilecto filio Fulgen-  
tio Abbati, Affligemienfis Monasterii,  
quod ad honorem B. Petri Apostolorum  
Principis in Cameracensi Diocesi situm est,  
ejusque successoribus, regulariter substituendis  
in perpetuum.*

Burgardus  
Cameracen-  
sis Episcopus  
Affligemien-  
si Monasterio  
commisit Ec-  
clesiam Born-  
hemiensem  
ut in ea Mo-  
nastici ordi-  
nis disciplina  
deinceps ha-  
beatur.

QUA religionis intuitu statuuntur inconvulsa  
debent stabilitate servari. Siquidem ve-  
nerabilis Frater noster Burgardus Cameracensis  
Episcopus, Consilio & assensu Archidiaconorum,  
ac reliquorum Clericorum Ecclesiæ suæ, consi-  
lio etiam, & hortatu Venerabilis Fratris nostri  
Rodulphi Remensis Archiepiscopi, sicut in eo-  
rum missis ad nos Litteris continetur necnon  
& rogatu & supplicatione Sifridi Bornhemienfis  
Abbatis & Fratrum suorum Affligemienfi Monas-  
terio Bornhemiensem commisit Ecclesiam, ut in  
ea deinceps Monastici ordinis disciplina per Dei  
gratiam, habeatur.

§. 1. Olim quidem in loco eodem Ordo  
fuerat Canonicus institutus; sed guerris super-  
venientibus, tanta paupertatis inopia coarctatus  
est ut neque Ordinem Canonicum conserva-  
re, neque per se in Ecclesiastica quoque posse  
honestate persistere.

§. 2. Nos itaque tam prædictorum Fratrum  
quam & Sororis nostræ (1) Clementiæ, Flan-  
driensium Comitissæ, quæ ipsius loci dispensa-  
trix est, petitionibus annuentes, & de reli-  
gione vestra plurimum confidentes, prædictæ  
Bornhemienfis Ecclesiæ commissionem præsentis  
privilegij pagina confirmamus.

§. 3. Statuentes, ut auctore Deo in Affligemien-  
sis monasterii unitate ac subjectione, sub  
regula monasticæ disciplinæ in perpetuum per-  
severet ita nimirum libera, & quæta sicut an-  
tea in Ordine Canonico fuerat, cum Altaribus  
de (a) Havesdunc, Hingem, (b) Kereberga, (2)  
(c) Rimenham, (d) Mercheclou, & cum omni-  
bus quæ in præsentis legitime possidet, vel in  
futurum Largiente Deo, justè atque canonicè  
poterit adipisci.

§. 4. Nulli ergo omnino hominum facultas  
sit præfatam Bornhemiensem Ecclesiam à dispo-  
sitione vel subjectione vestri monasterij remove-  
re, seu qualibet occasione subtrahere, possessiones  
ejus auferre, vel temerariis vexationibus  
fatigare, sed ita sub vestro monasterio maneat,  
sicut à prædicto Fratre nostro Burgardo, Dia-  
cesano Episcopo, constitutum, & ipsius chiro-  
grapho confirmatum est.

§. 5. Si quæ igitur in futurum cujuslibet  
dignitatis ordinisve persona, nostræ hujus Con-  
firmationis paginam sciens contra eam temerè  
venire tentaverit, honoris, & officii sui peri-  
culum patiat, aut excommunicationis ultione  
plectatur, nisi præsumptionem suam digna sa-  
tisfactione correxerit.

§. 6. Qui verò conservator extiterit, Dei  
omnipotentis, & Apostolorum ejus Petri &  
Pauli benedictionem, & gratiam consequatur,  
Amen, Amen, Amen.

Ego Calixtus Catholicæ Ecclesiæ Episcopus  
laudavi.

Datum apud S. Petrum per manum Chryfogoni  
S. R. E. Diaconi Cardinalis, & Bibliothecarij  
III. Februarii Indictione XIV. Incarnationis Do-  
minicæ anno millesimo, centesimo vigesimo  
primo Pontificatus autem Calixti II. Papæ,  
tertio.

Privilegium Maternitatis, quam vocat, Eccle-  
siæ S. Joannis Provinciæ Bisuntinæ in Eccle-  
siam S. Stephani ejusdem Provinciæ.

CALIXTUS EPISCOPUS.

*Servus Servorum Dei, venerabili Fratri  
Anserico, Manasse Decano, Stephano Ar-  
chidiacono, Stephano Thesaurario, Hugo-  
ni Archidiacono, & ceteris Bisuntine  
Ecclesiæ B. Joannis Apostoli, & Evan-  
gelistæ Canonicis, salutem & Apostolicam  
benedictionem.*

DEcessorum statuta, sicut legitima & justa,  
successorem convenit custodire ita debet  
etiam male facta salubri provisione corrigere.  
Ea propter nos surrectionem illam quæ domino  
prædecessori nostro sanctæ memoriæ Paschali

(1) CLEMENTIA Guilielmi Burgundiæ Comitis filia,  
Calixti II. Pontificis Romani Soror, primum Roberto II.  
Hierosolymitano, Flandriæ Comiti, post Godofrido Bar-  
bato, Lotharingiæ Brabantique Duci, nupta fuit.

(2) RIMENHAM, nunc Rymenham, Pagus est sub  
præfectura arculæ ad Diliam fluvium, primo lapide à  
Mechlinia, cui vicinus est Pagus de keeberghe.

Papæ

(a) Haef-  
donck.  
(b) Keer-  
berge.  
(c) Ryme-  
nan.  
(d) Meer-  
beke.

Sanctio  
Poenalis.

Pax & be-  
nedictio ob-  
servantibus.

Datum 3.  
Februarii  
Pontificatus  
Anno III.

IV.  
Ex Labbe  
Tom. 10.  
Concil. pag.  
836.  
Ex Chiffle-  
zii Historia  
Trenorciana  
Editum A.  
D. 1122.

Exordium.